

عيسى نك ديدىكى كلامى كندى خاطرینه كتورمكله خارجہ چيقوب
آجى آجى اغلادى.

يكرى يدنجى باب

- ۱ و صباح اولنجہ بالجلہ باش كاهنلر ايله ملت اختيارلرى عيسى يى قتل
- ۲ ايتدرمك ايچون عليهنه عقد مشاوره ايتديلر * و انى باغلا يوب
پونطوسلو پلاطوس نام والى يه كتوروب تسليم ايتديلر .
- ۳ او زمان انى تسليم ايدن يهودا قتله حكم اولنديغنى كتورمكله
پشيمان اولوب باش كاهنلر ايله اختيارلر اوتوز ثقل كومشى كيرو
- ۴ كتوروب * بن صوحسز قان تسليم ايتكله كناه ايشلدم ديدى .
- ۵ انلردى بزم نه علاقه مز وار * سن كوره سن ديديلر * اولدى كومش
- ۶ ثقللرى هيكلده براغوب كندى و واروب كندى سنى اصدى * ايمدى
باش كاهنلر كومش ثقللرى آلوب بونى هيكل خزينه سنه قومق
- ۷ شرعى دكلدر زيرا قان بهاسيدر ديديلر * و مشاوره ايتد كدنصكره
غريبلر مز ارق اولق اوزره انكله چولكجى تارلا سنى صاتون آلديلر
- ۸ * انك ايچون اول تارلايه بو كونهك قان تارلاسى دينلور
- ۹ * او زمان ارما يغمبرك سويلدىكى (كلام) اتمام اولندى چون
ديدىكه بنى اسرائيلدن اولنلرك بها كسدكلرى شول قىتى يعنى
- ۱۰ بهامى كسلش كسنهك قىتى اولان اوتوز ثقل كومشى آلديلر * وربك
بكا امر ايتدىكى كى انلرى چولكجى نك تارلاسى ايچون وپرديلر .
- ۱۱ ايمدى عيسى والى نك حضورنده دوردى . والى اكا سؤال ايدوب
يهوديلرك ملكى سنبسنى ديدى . عيسى دى اكا سن سويلورسن